



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-154-10/24**

Datum: **29.10.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „BOJO-METAL“ d.o.o. Kiseljak za donošenje rješenja o vodnoj dozvoli za ispuštanje tehnoloških otpadnih voda sa lokacije pogona za proizvodnju i obradu metala izgrađenog u Kiseljaku, općina Kiseljak na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica „BOJO-METAL“ d.o.o. Kiseljak za donošenje Rješenja o vodnoj dozvoli za ispuštanje tehnoloških otpadnih voda sa lokacije pogona za proizvodnju i obradu metala izgrađenog u Kiseljaku, općina Kiseljak, na zemljištu označenom kao k.č. broj 1409/4 i 1409/5 K.O. Višnjica, općina Kiseljak s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obveza pribavljanja vodnih akata od strane ove Agencije.
2. Ovoj Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene tehnologije proizvodnje čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Pravno lice „BOJO-METAL“ d.o.o. Kiseljak svojim zahtjevom se obratio ovoj Agenciji za ispuštanje tehnoloških otpadnih voda sa lokacije pogona za proizvodnju i obradu metala izgrađenog u Kiseljaku, općina Kiseljak, na zemljištu označenom kao k.č. broj 1409/4 i 1409/5 K.O. Višnjica, općina Kiseljak. U provedenom postupku dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Novi Travnik, 04.02.2011.godine,
- Aktuelni izvod iz sudskog registra izdat od strane Općinskog suda u Travniku – ovjerena kopija,
- Rješenje o odobrenju za proširenje poslovnog prostora i izgradnju skladišta, broj: 03-1-361-273/81 od 10.08.1981. godine izdato od strane Komisije za privredne i društvene djelatnosti i opšte poslove, Opštine Kiseljak,
- Rješenje o odobrenju za dogradnju upravne zgrade, broj: 03-1-361-156/89 od 15.05.1989. godine izdato od strane Sekretarijata za privredu, društvene djelatnosti i upravu, Opštine Kiseljak,
- Ugovor o zakupu sklopljen između ZRAK-OPTOMEHANIKA d.d Kiseljak i BOJO-METAL d.o.o. Kiseljak,
- Glavni projekat – vanjskih hidroinstalacija za poslovni objekat izgrađen u Kiseljaku broj: 77-IB-G/24, urađen od strane „IBIS“ d.o.o. Zavidovići,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama člana 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). U skladu sa članom 12. stav 5. i 6. Pravilnika o sadržaju, obliku, uvjetima, načinu izdavanja i čuvanja vodnih akata dana 30.09.2024. godine izvršen je uvidaj na predmetnoj lokaciji, o čemu je sačinjen Zapisnik broj: UP-1/21-3-40-154-8/24.

Na osnovu dostavljene dokumentacije uz predmetni zahtjev i izvršenom uviđaju na predmetnoj lokaciji, utvrđeno je sljedeće:

- Pogon za proizvodnju i obradu metala nalazi se u Kiseljaku na zemljištu označenom kao k.č. broj 1409/4 i 1409/5 K.O. Višnjica, općina Kiseljak.
- Kompleks se sastoji od upravne zgrade, pogona za proizvodnju (CNC obrada) i radno-manipulativnih površina i parkinga.
- Predmetni lokalitet se ne nalazi u zaštitnim zonama izvorišta vode za piće, kao ni u vodnom dobru i poplavnom području vodotoka I kategorije.
- U predmetnom poslovnom objektu ne nastaju tehnološke otpadne vode iz procesa rada a kako je to utvrđeno odredbama člana 3. stav 1. tačka (cc), a u vezi sa tačkom (s) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20 i 1/24).

Podnositelj zahtjeva je dužan da u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i ostalim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Nastali otpad na predmetnoj lokaciji prikupljati i privremeno odlagati u skladu sa važećim propisima o postupanju sa otpadom, te isti predati na zbrinjavanje ovlaštenoj firmi za tu vrstu djelatnosti.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (cc) a u vezi tačke (s) Uredbe o uslovima ispuštanja otpadnih voda u okoliš i sisteme javne kanalizacije, odnosno nema ispuštanja tehnoloških otpadnih voda u smislu odredbi člana 139. stav 1. tačka (3), Zakona o vodama, u skladu s članom 28, Zakona o upravnom rješenju je dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, B.Sc.ing.grad.

Prilog:

- Glavni projekat – vanjskih hidroinstalacija za poslovni objekat izgrađen u Kiseljaku broj: 77-IB-G/24, urađen od strane „IBIS“ d.o.o. Zavidovići.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.grad.

Dostaviti:

- BOJO-METAL d.o.o. Kiseljak, ul. Zenički put bb, 71250 Kiseljak (sa prilogom)
- ⊙ AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča